

DEO OPTIMO MAX.  
UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

QUESTIO MEDICO-CHIRURGICA;

QUOD LIBETARIIS DISPUTATIONIBUS,  
*manè discutienda in Scholis Medicorum, die Martis nonâ mensis  
Martii, anno Domini M. DCC. LXII.*

M. NATALI MARIA DE GEVIGLAND, Regiorum in  
Germaniâ Ducum & Militum Nosocomiorum nuper Medico,  
Doctore Medico, Præside.

*An quamdiu scripti Gangræna, etiâ à causis externis, amputatio non sentiâda?*

I.



ITÆ summa brevis quot pater insultibus! Quot mala undique præ-  
ludunt funeri! Inter ea, non sævius ullum quàm Gangræna, quæ post  
exquisitos cruciatus, partem ex rubro in pallidum, & è pallido in  
lividum colorem conversam, flaccidam, sensu prorsus destitutam,  
jamque fœtorem abscindere cogit. Triste quidè remedium: Sed  
quid non patitur amor vitæ? Unica spes miseris, fontem pro salute  
totius corporis partem devovere. Saltè, si prosperè succederet semper tam mise-  
randum auxilium. Sæpius enim præmaturè instituta Amputatio, Chirurgis malè cessit  
plurimis. Hinc artem, potius quàm suam imprudentiam inculcantes, tot insularum  
operationum causis non ritè perpensis, scalpellum ferramque projicere voluerunt\*:  
Dùm interdum quidam sub felicioribus auspiciis easdem operationes quandòque  
mirabili successu exercentes, renuentes animos de novo excitârunt. Nec mirum:  
Illi laudabili quidem, sed parùm consulto, sanandi desiderio delusi, cohibere ser-  
pentem Gangrænam incassum sperabant. Non profectò feliciores qui partem corpori  
necessariam, à morboque sæpius non lacerandam, solo vicinæ titulo plusquàm pru-  
denti severitate fecerunt. Soli felices, etsi non prævisâ tam prosperâ fortunâ, qui,  
limitibus malo à naturâ jam circumscriptis, operationem instituere. Adèò verum est  
in omnibus prosperè succedere Medicinam, quoties monstrantis viam Naturæ vesti-  
giis insistit, aut fida comes illius motus observat & oblatas indicationes adimplet.  
Gangræna, quam mortem partis non malè dixeris, sub duplici respectu considerari  
debet: Vel ut incipiens, & eam cum Galeno definire juvat, (præsertim quæ à causis  
externis oritur,) mortificationem non quidem factam, sed quæ sit, ob magnitudi-  
nem inflammationis; vel cum eò jam processit ut pars corruptione extincta & emortua  
sit, vitâ supersit in reliquis, tunc sphacelus audit. Sua in unoquoque gradu me-  
dela; Extremum remedium Amputatio. Sed ad secandum rarò & inviti, devenia-  
mus; nec unquàm, si alia supersit adhuc Medicina.

I I.

HORRENDÆ & carnificina foret illa Medicina, quæ ex causis & effectibus  
morbi exitum non judicans, auxilium, prout promptius licet anceps, in  
ferro & sanguinis profluvio haberet; dum è contrâ ex eodem retardato detur spes  
certior salutis. Medici non solum est considerare, quid ferat Natura, ut onus suble-  
vare tenter; sed etiâ quid ferre recuset, ne eam in operationibus suis perturbet,  
aut intempestivè deserat. Quamvis sola quandoque sui ipsa medicatrix, sæpius tamen



\* Sharp. Re-  
cherches cri-  
tiques sur la  
Chirurgie,  
chap. 17.

vi morbi opprimeretur, nisi auxiliatricem manum afferret Medicus. Hoc probant plures observationes, in quibus linea suppuratoria sponte in ambitu partis sphacelo corrupta enata, mortuum à vivo separavit; tardè quidem: Citius enim & certius arte promoveri potuisset. Sæpius autem malè successisse amputationem probant recentiorum & veterum Historiæ, contraria eorumdem circa locum sectionis opinio, necnon quotidiana experientia. Hippocrates, Galenus & omnes veteres ad Hildanum usque tempora, in parte mortuâ urendum vel secandum esse contendebant. Celsus, & post eum omnes Recentiores, proximè ad partem mortuam insituentem esse amputationem proclamant: Et inter eos Scultetus primus gloriatur, se manum sphacelo tentatam, in radii & cubiti capitibus sanis, cum prospero eventu, amputare ausum fuisse. Scientiarum & artium incrementis semper obstituerunt præjudicata opinioniones. In omnibus morbis faustorum & infauorum diversa ratio expetenda est à causis & earum effectibus: Ex iis solis recta potest institui medendi methodus. Gangræna est humida vel sicca; utriusque speciei causæ innumeræ dividuntur in internas & externas. Hæ, circa quas potissimum versatur nostra propositio, corporum exteriorum injuriæ agnoscunt. Inter eas præcipuæ sunt, percussiones, collisiones, vulnera graviora nervorum, tendinum, vasorum, membranarum, læsiones, ossium fracturæ, fissuræ, luxationes, compressiones, frigus ingens, &c. Internæ verò pravæ humorum diathesi, eorumdem acrimoniæ, circuitui sanguinis abolito, uti in provectâ Senectute, &c. adscribuntur. Levissima circa hæc causas consideratio superabundè probabit, non scapello, ferrâ, vel igne, inflammationem longè ulteriùs sæpè progressam sedari posse, vel & ipsa Gangrænæ semina penitus destrui: nec operatione etiâ ritè administratâ tolli posse causam internam morbi, dilucidè & citrà omnem objectionem probaverunt celeberrimi hujusce Scholæ Magistri. \* Quid tandem? Unum sibi proponit Medicina, partem scilicet mortuam à vivâ rescare, ut reliquis liceat securum vivere membris. Quem finem si non attingat, operatio erit infaua, ad minimum inutilis, sed sæpè exitiali & semper atrocissimo dolore lugenda. Extrâ temeritatis aleam ponet operantem linea suppuratoria in ambitu partis sphacelo correpta exorta; haud secus ac ecclestis arcus procellâ jactatæ navi assurgens, periculi finem portendit, & sinit vela dari melioribus auspiciis.

## I I I.

**S**ANGUIS intrâ sua vasa contentus, coactus, diutiùs asservatus, fermentatione quâdam ad dissolutionem corruptivam vergit. Eundem extrâ vasa effusum, stagnantem, rupto circulationis filo, nullo alioquin antea existente humorum vitio, unâ cum vasis omnis generis in putridum liquamen abire nôrunt omnes. Cunctæ igitur partes in quibus coactus, stagnans marcescet, eodem malo insci poterunt, & eò certius quò partes illæ majori sensibilitate donatæ & ad inflammationem magis pronæ, difficiliùs, vel resolutione, vel suppuracione liberantur; ipsa tandem Gangrænæ semina sæpè ulteriùs progressa, eò judicatu difficiliora quò partes illæ altiores insigunt radices, & solertem effugiunt medentis operam. His omnibus attento animo perpensis, unus aut alterius causæ dilucidatione evidenter patebit propositionis nostræ veritas, remque demonstrabit brevis graviorum collisionum historia. (Leves enim rarissimè tanto remedio indigent.) His sæpiùs læduntur omnes partes membrum constituentes, ne ossibus quidem exceptis. His contusis, sed non fractis, vasa quæ inter lamellas ossis fabricam constituentes decurrunt, vel comprimuntur, vel penitus destruntur: tunc hæ lamellæ influxu vitali deorbatæ necessariò separari debent. Disruptis tenerrimis vasis succum medullarem vehentibus, oleum istud rancidum fit, & acrimoniam acquirendo os totum cariosum reddit. Felix sanè, qui reliquis partibus aut sanis, aut ad sanitatem restitutis, tam gravibus affectibus sæpiùsque immedicabilibus certam amputatione medelam asseret. Sed & non minùs portentosa post se trahere alias partes collatas phenomena, edocebit eorum natura, posicio, & observatio. Periosteum, membranas, nervorum, tendinum vasorumque vaginas exquisitissimo sensu donari probat eorum textura. Fibris enim innumeris vario ordine positis, & arctissimè unitis constantur, quarum nulla fieri potest divisio aut dilaceratio sine

\* MMs. Joanne Beile, Bernardino de Jussieu, &c.

atrocissimo dolore: Vasis præterea omnis generis irrorantur, in quibus eo difficilior est resolutio, vel suppuratio, quò tenuiora sunt & magis constricta. His duabus de causis adaugetur obstructio, propagatur inflammatio. Partes illæ præterea, vel ossa immediatè involvunt, vel juxta ea repunt; vel tandem plerisque si non omnes partis musculos, & unamquamque fibræ involvendo, à trunci infimâ parte ad pedem usquè perrepere & cum aliis communicare, demonstrat Anatomæ, uti v. g. in fasciâ latâ. Non mirum igitur si hisce contusis, aut vulneratis, partes à loco læso maximè distitas suffocatas fuisse observatum fuerit. Nec his effectibus repugnat aliarum causarum, phenomenorumvè explicatio. Ex his celebrandæ iterum amputationis diram necessitatem argue. Quis igitur his ritè pensitatis, pustulam ichore flavo, vel subrubello plenam, solum panniculum adiposum occupantem, sectionis locum assignare ausit? Nec vanæ considerationis sunt, Gangrænæ semina quæ non penitus ablata fuerunt, aut magnæ suppurationes, tristes reliquæ inflammationis non sedatæ, quæ partis cæcæ carnes depascendo, ossis extremitatem denudant. Factâ in ambitu partis sphacelo correptæ suppuratione, tot adversorum casuum metus evanescit. Prudenter igitur naturæ edocenti obtemperemus, divitiisque artis cautè opitulemur, ne curatio vulneris gravior ipso vulnere fiat.

## I V.

**C**ELERITAS quâ serpens Gangrænâ vicinas partes labæ suâ inficit, naturalis horror à destructâ parte proveniens, non mirum si olim ægrum & medentem pari formidine percussos consilii inopes fecerint. Hinc temerè & inconsultè instituta operatio: Hinc tamdiu neglectæ notiones quæ ex repetitis observationibus & naturæ consideratione ultrò decurrebant. Multa tamen apud Autores prostant exempla partium vitæ redditarum quas Gangrænâ jam occupaverat. Boherravius talem casum narrat auditoribus suis \*. Chirurgus non infimæ notæ ad vitam revocavit brachium ab ictu baculi penè mortuum \*\*. In operationibus Bubonocæles quid vulgaris quàm intestinum lividum aspectuque sordidum, tamèn in proprias sedes repositum, revalescere? Non minùs constat ex plurimis observationibus, solius vi naturæ partes sphacelo spontatè à vivis separatas fuisse. Sic artus ab urenti frigore Gangrænâ correptos fidentè separari vident hyperboreæ Gentes. Sic homini bonæ temperiei in parte mediâ internâ & inferiori brachii dextri vulnerato, brevè postea cubitus sideratus apparuit, totaque pars interna brachii usquè ad distantiam quatuor digitorum transversorum ab axillâ nudata, cum aliis partibus corruptis secessit \*. Talia benè multa legere est apud innumeros auctores \*\*. Quis post tot observationes desperet, si arti vis naturæ uniatur, exoptandum finem attingi posse? Feret omne punctum, qui in his potissimum duobus sedulè immorabitur: Vel partem emorientem ad vitam revocare tentabit; vel si planè sit curationis expes, conclamata à sincerâ rescindet. In primo casu duo indicantur: 1<sup>o</sup>. Operæ presium est inflammationi ob stare, procul amovendo quæcumque illam fovere possunt, v. g. corporum externorum, si quæ sint, extractione, sedando sanguinis imperum, nimis æstuantem compescendo, debitam liquidis fluiditatem conciliando, 2<sup>o</sup>. Partes languidas refocillare & serè extinctam in parte vim vitæ revocare opus est, humorumque stagnantium corruptio præcavenda. Hæc omnia præstant, pro re natâ plus aut minùs iteratæ sanguinis missiones, diluentia interna, medicamenta antiphlogistica, non neglectis circum fomentis modò emollientibus, modò spirituosis & resolventibus, modò tandem partes quasi constrictione strangulatæ scalpello solventur. In altero casu, si morbus ultimum gradum attigerit, Medicina spernere verat abdicare omnem. Tunc in eo totus cardo versatur, ut pars emortua à vivâ separetur. Mutuam autem cohesionem dirumpere nil efficacius valebit quàm inducta conterminis partibus suppuratio. Cum enim suppuratio sit inflammationis terminus præ gangrænâ exoptandus, eò ducere oportet viciniam partis sideratæ. Si vigeat igitur inflammatio, prædictis auxiliis minuenda, aut si langueat, excitanda; tuncque juvant tonica, cardiacâ, & mira præstat internus Kinaxinæ usus.

\* Vanf. pter.  
Comment. in  
Aph. 338. p.  
555.  
\*\* La Motte,  
Tom III. p.  
405.

\* Duverney,  
in *Art. Acc.*  
dem. Scient.  
ann. 1702.  
\*\* Vide Hel-  
losse, Chi-  
rurg. d'Hôpita-  
cap. 15. pag.  
281. La Mot-  
te, Tom. III.  
p. 365.

**A**MPUTATIONEM determinavit ab omni ævo inducta opinio succorum gangrenâ insectorum præsentia, pari labe vicinas partes immediatè infici. Sed vanum terrorem arguit deductum ex ipsius rei naturâ ratiocinium. Vitiatis & quantumlibet putres succos vicinis partibus gangrenam adducere quis putet, nisi in sanas carnes irrepan, sincerisque humoribus immisceantur? At verò quid fiet? Si putridi succi datâ portâ forâs liberè diffuant, ut accidit naturæ beneficio, aut scarificationum ope, quarum tunc mirabilis effectus modo ad vivum usque non producantur. Item si vigeant carnes vicinæ, & quasi infectis catenis, vis eorum tonica omnem malo aditum præcludat. Tunc gangrenæ levis erit actio in partes vicinas, tunc graves eò recident minæ ut suppuratione excipienda enascatur inflammatio. Hujus beneficio magis adhuc excitata partium vis tonica quâ pus extrorsum pellitur, eo ipso cum gangrænoides omne vetabit commercium. Non jam partibus succis labem intrò ferre licebit in partes quarum nullus dabitur contactus, sicque æger tutus erit ab ulterius progredientis gangrenæ periculo. Nec dicant ex partis sphecelo correptæ infesto odore grave periculum aut ipsam mortem ægro imminere, dum expectat tardè festinantem suppurationis operam. Cum enim partes sideratæ sint vitæ prorsus inutiles, imò noxiæ, nihil vetat partis conclamata portionem maximam ferro abscindere: superstitem contegant lintea spiritu vini madida, sicque evanescit periculum. Ast objicient moram temporis elapsi, antequàm optata maturescat suppuratio: sed frustra; si certiore detur ex ipsâ morâ spes salutis concipere. Et verè quidem, quæ prius inculcata erat humorum crasis per morbi decursum debuit vitiari, aut saltem à recto paulum deflectere & immutari ab atrocitate dolorum, somni & quietis defectu, febris exandescentiâ, diversis tandem morbi symptomatis & effectibus. Frustrâ enim bonum speraveris operationis eventum, antequàm dietâ convenienti & analepticâ suæ reddantur humoribus dotes balzamica. Hæc omnia requisita cum præstitit Medicus sat citò operationem præcipit, Chirurgus tutius operatur, æger tandem confidentius necessariæ operationi sese committit, & funerata sui ipsius parti superstes redditur.

*Ergò quamdiu serpit Gangrenâ, etiâ à causis externis, amputatio non tentanda.*

#### DOMINI DOCTORES DISPUTATURI.

*M. Claudius - Franciscus Grand-clas, Eques, Stanislaus I, Poloniarum Regis, Letharingia & Barri Ducis, Consiliarius Medicus, & Regiorum Exercituum à Consiliis Medicis.*

*M. Ludovicus - Alexander Ger-vaise.*

*M. Ludovicus Pashiot.*

*M. Joannes - Franciscus - Clemens Morand, Eques, à Regiâ scientiarum Academiâ Parisiensi, Regii Medicorum Nancegnorum Collegii Medicus Honorarius, Collegii Medicorum Leodiensium Assessor perpetuus, nec non in Regiâ Invalidorum domo Condjutor Medici reconvalescens.*

*M. Ambrosius Hostz.*

*M. Franciscus Bidault, Chirurgia Gallico idiomate Professor designatus.*

*M. Martinus Nonguez.*

*M. Joannes Macmahon, Antiquarius Exercituum Regis & Nosocomiorum Militarium Medicus, Regia Scholæ Militaris Medicus ordinarius, & Scholarum Professor.*

*M. Joannes - Claudius Munier, Consiliarius Medicus Regii ordinarius, & Domus Regiæ Invalidorum.*

Proponebat Parisiis **NICOLAUS JEANROY**, Tullensis, Doctor Medicus Remensis, Saluberrimæ Facultatis Medicinæ Parisiensis Baccalaureus, Thesesq. Auctor, A. R. S. H. 1762. A SEXTA AD MERIDIEM.